

Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos & Festos, ab ipso Auctore confectus

Stengel, Georg

Ingolstadii, 1651

6. Constantinus Imperator Baptismo à lepra curatus.

urn:nbn:de:hbz:466:1-45686

Him Naaman ad Iordanem missus & gentilismi errorem ex animo, & lepra fecitatem ex cute exterminauit; ita multi postquam sacro se fonte tingi passi sunt, etiam corpore esse iuridi desierunt. Sic S. Gaugericus Episcopus Cameracensis obuim peccatorem lepra punitum, ubi meliora doctum ablegauit ad sacerdotem baptismō imbuendum, dupli morbo curauit. Vnā enim & interioris, & exterioris hominis squallor ablutus est. Sic Arnulphus Metensis episcopus mendicūm victum & amictum potentem, cùm lepra esset coopertus, etiam sanitatem donauit, quando eum, sacra vnda, qua nondum erat lustratus, perfudit. Quæ illustria sunt documenta, morbos aliquando immitti, ut medicus ametur, cuius tam salutaris est medicina.

Verum nihil illustrius potest esse, quād quod de Constantino Magno fertur, eum vtique non alia de causa fœdo lepra morbo contaminatum, quād vt à Christi medicina, etiam animæ pharmacum acciperet. Ad quod illi profuit innata pietas. Medicis enim balneum crudelitatis præscribentibus, dicentibusq; sanguinem cæsorū infantium præsens huic malo esse remedium; auersatus hanc immanitatem, maluit ipse agrotare, quād alias suis sanandi causa occidi. Quare dignus fuit, vt de celo manus medica illi porrigeretur. Operæ pretium est, historiam ab alijs quidem compluribus perstrictam, sicut à S. Hadriano Pont. in epist. ad Constantimum & Irenen Augustos missa, & secundo Concilio Niceno intexta narratur, hoc apponere. Cūm aliquando Constantinus Imperator per noctem somnum caperet, ecce B. Apostoli Petrus & Paulus dormienti astiterunt dicentes: Quandoquidem sanguinis effusionem horruisti, miseri sumus a Christo IESV Domino, dare tibi sanitatis recuperanda consilium: audi ergo monita nostra, & fac omnia quecumq; indicabimus tibi. Silvester Episcopus civitatis Romanae, ad montem Soracte persecutions tuas fugiens, in cavernis petrarum eum suis clericis latitat. Hunc cūm ad te adduxeris, ipse tibi piscinam ostendet, in quam dum tertio menses sit, omnis te valetudo deseret lepra. Quod dum factum fuerit, hanc vicitudinem Saluatoris tuo compensa, ut omnes, iussu tuo per orbem totum Romanum Ecclesiæ

4. Reg. 4.

Sur. II. Aut
gusti Loan.
Melan. in
Natalib. SS:
Belgij.

Sur. 16. Au
gusti.

VI.

Zonaras. t. 5;
Niceph lib. 7.
hist. Eccl. cap.
33. Baron.
An. 324. Sur.
in vita S. Sil-
vestri. 30. De-
cemb.

800 Cap. LVII. Causa monstorum ex parte Dei beneficentis.

Ecclesia restaurantur: tu autem purifica te, ut relicta omni superstitione idolorum, tu Deum unum, qui verus & solus est, adores, & excolas, & ad eius voluntatem te dirigas. Exurgens itaque a somno Imperator statim conuocat eos, qui obseruabant palarium & secundum tenorem somni sui mittit ad monte Soraclie, ubi Silvester erat, Profectus inde Silvester peruenit ad regem, ad quem ingressus, inquit: Pax tibi & victoria tibi de Cælo ministretur. Quem cum rex alaci animo & vultu suscepisset, omnia illi, que facta, quæ sibi reuelata fuerant, exponit. Inde percunctatus est quinam isti essent dij, Petrus & Paulus, qui illum visitassent ob causum salutis sua, & eius latebras detexissent? Silvester respondit: Hi quidem Di non sunt, sed idonei serui Christi, & Apostoli electi ab eo, & missi ad initiationem Gentium, ut credentes salutem consequantur: Cumque ille hac diceret, interrogare coepit Augustus, utrumnam ipsos Apostolos haberet aliqua imago expressos, ut ex pictura disceret, quos revelatione docuerat. Tunc S. Silvester missio diacono imaginem Apostolorum sibi exhiberi precepit. Quam Imperator afficiens ingeni clavore crepit dicere, ipsos esse, quos viderat: nec debere iam differre Spiritum sanctum ostensionem piscina, quam istos promisso sua saluti memorabat. Constructo itaque lauacro, Constantinus, cum sacro rore tinctus esset, confestim est sanitati pristinæ restitutus. Dinde non immemor accepti beneficij, ecclesiæ Dei exadficare coepit, columnas earum passim sacris imaginibus in memoriam incarnationis Domini nostri IESV Christi, omniumque Sanctorum reverentiam ornauit: nec alia de causa, quam ut Christianismum in lucem & veritatem, Deoque cultum procheret, & omnes gentes a cultu Idolorum & diabolica deceptione conuerteret. Constantinus inde, ut gratiam tanti beneficij Silvestro referret, edictum, quod nunc o. Cal. Aprilis datum legitur, scripsit, in quo hac historia enarrata, adiicit, se ad referendam gratiam Silvestri omnibus ad amplitudinem & dignitatem Apostolica sedis ornandam insignibus decorare, atque eundem & Successores eius ipso insuper occidente donare. Tantum per lepram effecit mundi Gubernator; qua si caruisset, nunquam balneum Constantinus poposcisset. Ita & corpori Imperatoris suum decus, & animæ nitor, & baptismi nomen, & Christo gloria, Ecclesiæ denique ingens emolumentum, per impera-

imperatorij morbi squallorem, accessit. Nullus Chiron, nulla Podalirij manus tam fuit felix, vt non solùm morbos, sed etiam morbis sanaret.

Nec Baptismum honorauit tantum monstricas in eo sanata, sed ipsa etiam monstra à Baptismo abhorrentia atque refugientia. Vt enim vespertilioes lucem oderunt, ita sacra ista profani spiritus execrantur. Anno 1554. Stetini natus est infans, cuius vertici capitis insedit massa carnis, imaginem testudinis rufæ præ se ferens. In cervice, muris instar, caudam tulit carnosam, sed albescensem, sine pilis. Capite erat Theristico, extantibus terribiliter oculis. Hic tam notatus infans cum portaretur ad Baptismum, mirabili corporis gyratione, horrendis vociferationibus, gestibusq; in hac ætate inauditis, denique dirissimis modis aduersatus est baptizatu, vt ingens omnibus astantibus terror incuteretur. Quid aliud voluit hoc monstrum, quam cælum & orcum inter se pugnare? Quae enim 2. Cor. 6. 14. participatio iustitiae cum iniquitate? Aut quæ societas luci ad tenebras? Qua autem conuentio Christi ad Belial? Vos quoque, peccatores, monstra estis; si vultis sanari, ecce præsens est in Sacramentis diuinis medicina: sin pertinacia placet, nolite sacra profani contaminare.

In hanc rem si velimus animum intendere, plurifariam talia contigerunt, vt etiam ceteris diuinis Sacramentis autoritas adderetur. Sicut enim, quando prateriens IESVS vidit hominem cæcum à natinitate: & interrogaverunt eum discipuli eius. Rabbi, quis peccauit, hic, aut parentes eius, ut cæcus nascatur? Respondit IESVS: Neq; hic peccauit, neque parentes eius: sed ut manifestentur opera Dei in illo: ita & sæpe alias evenit. Notissimus ibat per Sueciam puer, quem itidem mater cæcum peperat. Hunc S. Rembertus secundus Bremensis Ecclesiæ Archiepiscopus, in Sueciam profectus, pontificali ritu, sacro christmate inunxerat; & quem cæcum terigit, vngendo reddidit, videntem. Quo prodigio vnâ & puerum, & regnum illuminavit. Ad eundem modum etiam Faro-Meldensis Episcopus populum curata cæcitatem ad fidem formauit. Cum enim sacro christmate promiscuam plebem confirmaret, adductus est; inter

Iiii confer-

VII.

Iac Fincelius
de miracu-
stri temporis,
& Schenck.
obleruat. 16.

VIII.

Surius 4. Febr.
Octobr.

Surius 18.